



Australian Government
Department of Home Affairs



Múhájér Bódða Manúc okkólór Inglic Purugram (Adult Migrant English Program) ot Fuain Sóoñlá

Oñnottú Múhájér Bódða Manúc okkólór Inglic Purugramot (Adult Migrant English Program - AMEP) uçí bóllá fuain sóoñlár zorurot óiye né? Oñne AMEP kelásót tákibádé taimot eckuilla bocór túnaró gura fuain okkól óllá maana garí asé.

Oñnor AMEP sewá doiya ye oñnor gór yátó AMEP kelás lói 30 milótór bútóré fuain sóoñlár entezam goribár kucíc goribó. Yaán há mica no óitfare. AMEP sewá doiya ye oñnollá hókkunór dákór fuain sóoñlár zaga tuawai bóllá zeddúrfare hédduúr kucíc goribó.

AMEP sewá doiya yé oñnor AMEP fonná cúru ódé taim loi borabor ófan fuain sóoñlár entezam goribó. Oñne kelásót tákibádé din okkólót fuain sóoñlá héfaazót ófan yó hitára kucíc goribó. Táitai hékon zaga hálí no tágít farede taimot yátó oñne aró din faibollá entezar goribádé taimot fuain sóoñlár kessú híssá dit fare.

Maana fuain sóoñlá ré siríf oñne AMEP kelás uçibár taimot dibode. Oñnor AMEP kelásór baader taim ollá no dibó. Oñne AMEP kelás no uçibádé yátó oñnor fonná forá fúrai zailé oñnor fuain sóñlár entezam oñnottú gorá foribó. Zodi oñnor fua yátó fuain kessú taim sóñlá no fadde óile oñnor AMEP sewá doiya ré zanaiya zoruri. Kiyóllábólí hoilé oñnor fuaindór bodol bukíng gojjédé híin tíkgorí farefán.

Zodi oñne becí AMEP kelás okkól no uçilé sewá doiya ye oñnor fuain sóñlár modot bon gorít fare. Zodi oñne AMEP mazé fírízailé oñne maana fuain sóñlár modot amotto faiba, mogor fuain sóñlár modot amotto fai aibóllá eggwá entezar gorá foribó.

Oñne fuain sóñlár zorurot fura goribóde taimot oñne toratorítún toratori fonná cúru gorí farofán oñnor AMEP sewá doiya ye basíloi faribádé torika okkól dibo. Mesál, oñnoré fusár gorít fare dé:

- Sómájí sentarot fuain sóñlár zaga ekkánót házér tákí fonná forá.
- Oñnottún hácéde héttun aró duré sófor gorá.
- Fuain sóñlár zaga faibar age fán vólántiyár mactor ekzon ottún yátó górot tákí fonná forá.

Zodi fuain sóñlár entezam oñnor zorurot mozin noóilé oñnottú oñnor AMEP sewá doiya loi mocora gorónsá.

Fuain sóñlár baabote aró zanitó sailé mehérbaaní gorí oñnor AMEP sewá doiya loi hotá hoó.